



SLUŽBENE NOVINE TUZLANSKOG KANTONA

GODINA 28 • TUZLA, ČETVRTAK, 23. SEPTEMBAR 2021. GODINE • IZDANJE NA BOSANSKOM JEZIKU • BROJ 16

876

Na osnovu člana 24. stav 1. tačka c) Ustava Tuzlanskog kantona („Službene novine Tuzlansko-podrinjskog kantona“, br. 7/97 i 3/99 i „Službene novine Tuzlanskog kantona“, br. 13/99, 10/00, 6/04 i 10/04), na prijedlog Vlade Tuzlanskog kantona, Skupština Tuzlanskog kantona, na sjednici održanoj 14.9.2021. godine, donosi

ZAKON

O IZMJENAMA I DOPUNAMA ZAKONA O CESTOVNOM PRIJEVOZU NA PODRUČJU TUZLANSKOG KANTONA

Član 1.

U Zakonu o cestovnom prijevozu na području Tuzlanskog kantona („Službene novine Tuzlanskog kantona“, br. 15/11, 2/14 i 9/16), u članu 27. u stavu (2) riječ „registrovane“ zamjenjuje se riječju „odobrene“.

U istom članu, stav (3) mijenja se i glasi:

„(3) Prijevoz za vlastite potrebe fizička lica mogu vršiti teretnim vozilom najveće dopuštene mase do 7,5 tona u prijevozu tereta ili putničkim motornim vozilom do 1+8 sjedišta u prijevozu osoba.“

U istom članu, u stavu (6) broj „7“ zamjenjuje se brojem „5“.

Iza stava (6) dodaje se novi stav (7), koji glasi:

„(7) Prijevoz za vlastite potrebe je prijevoz koji pravna ili fizička lica vrše radi zadovoljavanja svojih potreba u vezi sa obavljanjem privredne djelatnosti za koju su registrovani, odnosno za koju imaju rješenje i za koji ne mogu naplaćivati uslugu prijevoza.“

Član 2.

U članu 66. u stavu (1) iza tačke 4. dodaje se nova tačka 5., koja glasi:

„5. vrši prijevoz za vlastite potrebe suprotno odredbama člana 27. stav (7) ovog zakona;“

Dosadašnje tačke 5. do 7. postaju tačke 6. do 8.

U istom članu, stav (5) mijenja se i glasi:

„(5) Za ponovljene prekršaje iz stava (1) tačke 1, 3, 4, 5.

i 6. ovog člana, može se izreći i zaštitna mjera oduzimanja vozila kojim je prekršaj napravljen.“

Član 3.

U članu 71. u stavu (1) tačka 8. mijenja se i glasi:

„8. vrši prijevoz za vlastite potrebe suprotno odredbama člana 27. stavovi (2), (3) i (7) ovog zakona;“.

Član 4.

Ovlašćuje se Zakonodavno-pravna komisija Skupštine Tuzlanskog kantona da utvrdi prečišćeni tekst Zakona o cestovnom prijevozu na području Tuzlanskog kantona.

Član 5.

Ovaj zakon stupa na snagu osmog dana od dana objavljivanja u „Službenim novinama Tuzlanskog kantona“.

Bosna i Hercegovina Predsjednik
- Federacija Bosne i Hercegovine - Skupštine Tuzlanskog kantona
TUZLANSKI KANTON
Skupština Slađan Ilić, v.r.
Broj: 01-02-515-4/21
Tuzla, 14.9.2021. godine

877

Na osnovu člana 24. stav 1. tačka c) Ustava Tuzlanskog kantona („Službene novine Tuzlansko-podrinjskog kantona“, br. 7/97 i 3/99 i „Službene novine Tuzlanskog kantona“, br. 13/99, 10/00, 14/02, 6/04 i 10/04) i člana 27. Zakona o budžetima u Federaciji Bosne i Hercegovine („Službene novine Federacije Bosne i Hercegovine“, br. 102/13, 9/14, 13/14, 8/15, 91/15, 102/15, 104/16, 5/18, 11/19 i 99/19), na prijedlog Vlade Tuzlanskog kantona, Skupština Tuzlanskog kantona, na sjednici održanoj 14.9.2021. godine, donosi

ODLUKU

**o davanju saglasnosti na Izmjene i dopune
Finansijskog plana Zavoda zdravstvenog osiguranja
Tuzlanskog kantona za 2021. godinu**